

Phau Ntawv Qhia Mus Koom Kev Pov Npav 2026

Office of the Minnesota
Secretary of State



Nyob zoo cov pej xeeb nyob hauv Minnesota,

Peb lub xeev Minnesota yeej ib txwm yog lub xeev uas muaj coob tus neeg pov npav ntau tshaj plaws hauv lub teb chaws. Qhov no tsis yog tshwm sim los ntawm kev cia li muaj xwb, nws yog los ntawm cov neeg hauv peb lub zej zog, cov koom haum, thiab cov chaw ua hauj lwm uas sib pab sib txhawb kom txhua tus muaj kev nkag tau thiab muaj feem koom tes hauv peb txoj kev ywj pheej. Peb lub luag hauj lwm uas yog ib tug pej xeeb thiab kev koom tes los pov npav yog ib yam tseem ceeb rau peb txhua tus txhua xyoo uas muaj kev xaiv tsa.

Nyob rau xyoo 2026 no, cov neeg nyob thoob plaws Minnesota yuav muaj kev xaiv tsa hauv zos thiab lwm yam kev xaiv tsa. Cov kev xaiv tsa no cuam tshuam ncaj qha rau peb lub neej txhua hnuv—xws li tsev kawm ntawv, hauj lwm, kev txhim kho hauv zej zog, thiab peb lub neej yav tom ntej. Txhua daim ntawv pov npav muaj nqis thiab pab kom tsoom fvv sawv cev tau raws li lub suab ntawm pej xeeb.

Txhawm kom txhawb tau nej cov kev tshaj tawm, kuv lub chaw hauj lwm tau hloov kho phau ntawv no los pab kom muaj kev koom tes mus pov npav uas tsis muaj kev xaiv tog twg. Nyob hauv no, nej yuav nrhiav tau cov lus uas siv tau tam sim ntawd, cov sij hawm qhia, thiab cov kev pab uas pab qhia thiab txhawb cov neeg mus pov npav hauv nej lub zej zog thiab cov neeg uas nej paub. Nej hloov tau cov ntaub ntawv no raws li qhov nej xav tau thiab pab faib rau txhua tus.

Ua tsaug rau nej txhua tus uas yog cov thawj coj hauv zej zog, cov neeg peb ntseeg siab, thiab cov uas pab txhawb kom peb cov zej zog muaj zog. Ua ke, peb pab kom Minnesota txuas ntxiv ua tus coj hauv kev koom tes rau kev mus pov npav.

Ua tsaug ntau,

A handwritten signature in black ink that reads "Steve Simon".

Steve Simon

Minnesota Secretary of State



Txuas ntxiv Minnesota txoj kev uas muaj coob tus neeg mus pov npav ntau tshaj plaws. Siv cov lus thiab cov link uas yuav siv tau yooj yim rau koj cov lus qhia nrog cov neeg ua hauj lwm thiab cov ntawv tshaj tawm hauv social media.

Mus rau mnvotes.gov kom tau txais txhua yam ntaub ntawv txog kev mus pov npav. Tiv tauj Melanie Hazelip, 612-327-1621, yog xav paub ntxiv los sis muaj lus nug.

Phau Ntawv Qhia Mus Koom Kev Pov Npav 2026

COV NTSIAB LUS NYOB HAUV PHAU NTAW NO

Seem 1: Cov Lus Tseem Ceeb Pom Zoo Siv

Kev Xaiv Tsa Tshwj Xeeb.....	4
Hnub Kev Xaiv Tsa Loj.....	6
Hnub National Voter Registration Day.....	8
Kev Pov Npav Ua Ntej.....	9
Npaj Teem Ib Qho Sij Hawm Mus Pov Npav.....	10
Hnub Kev Xaiv Tsa.....	12

Seem 2: Lwm Yam Tswv Yim Siv Los Tshaj Tawm.....

14

Seem 3: Lwm Cov Lus Pom Zoo Siv Hauv Email, Social Media, thiab Ntawv Xov Xwm Online.....

16

DAIM NTAWV QHIA TXOG COV HNUB NTAWM KEV XAIV TSA XYOO 2026

KEV XAIV TSA TSHWJ XEEB

HNUB TIM 14 LUB PLAUB HLIS, 2026

- Kev Xaiv Tsa Tshwj Xeeb Rau Faribault County (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 1 - Aitkin (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 13 - Columbia Heights (Qhov Chaw Seem)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 284 - Wayzata (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 482 - Little Falls (Lus Nug)
- Kev Xaiv Tsa Tshwj Xeeb Hauv Cheeb Tsam Kawm Ntawv ISD 2170 - Staples-Motley (Lus Nug)

HNUB KEV XAIV TSA TSHWJ XEEB

Feem ntau ntawm cov kev xaiv tsa tshwj xeeb tsuas pub ua rau ib hnuv ntawm cov hnuv hauv qab no xwb:

- Hnuv Tuesday thib ob hauv Lub Plaub Hlis
- Hnuv Tuesday thib ob hauv Lub Tsib Hlis
- Hnuv Tuesday thib ob hauv Lub Yim Hlis
- Thawj Hnuv Tuesday tom qab thawj hnuv Monday hauv Lub Kaum Ib Hlis

COV HNUB NTAWM KEV XAIV TSA NIAJ ZAUS

KEV XAIV TSA HAUV TOWNSHIP

- Hnuv Tim 10 Lub Peb Hlis, 2026

COV HNUB HAUV KEV XAIV TSA LOJ

- **Hnuv Tim 26 Lub Rau Hli txog Hnuv Tim 10 Lub Yim Hlis, 2026:**
pov npav ua ntej los ntawm kev xa ntawv los sis mus pov npav tim ntej tim muag rau Kev Xaiv Tsa Loj
- Hnuv Tim 21 Lub Xya Hli, 2026: cuv npe ua ntej kom txuag sij hawm rau Hnuv Kev Xaiv Tsa Loj
- Hnuv Tuesday, Hnuv Tim 11 Lub Yim Hlis, 2026: Hnuv Kev Xaiv Tsa Loj

COV HNUB HAUV KEV XAIV TSA

- Hnuv Tim 18 Lub Cuaj Hlis txog Hnuv Tim 2 Lub Kaum Ib Hlis, 2026: pov npav ua ntej los ntawm kev xa ntawv los sis mus pov npav tim ntej tim muag
- Hnuv Tim 13 Lub Kaum Hlis, 2026: cuv npe ua ntej kom txuag sij hawm rau Hnuv Kev Xaiv Tsa
- Hnuv Tuesday, Hnuv Tim 3 Lub Kaum Ib Hlis, 2026: Hnuv Kev Xaiv Tsa

KEV XAIV TSA RAU COV HAUJ LWM NYOB HAUV TSOOM FWV TEB CHAWS THIAB XEEV

Hnuv Kev Xaiv Tsa,
Cov pej xeem nyob hauv Minnesota yuav mus pov npav rau:

- *Tus U.S. Senator*
- *Tus U.S. Representative*
- *Tus Governor thiab Lieutenant Governor*
- *Tus Secretary of State*
- *Tus State Auditor*
- *Tus Attorney General*
- *Tus State Senator thiab State Representative*
- *Cov Judicial seats*

Cov neeg pov npav kuj tseem yuav pov npav rau cov chaw hauj lwm hauv county thiab hauv zos, nrog rau cov lus nug hauv daim ntawv pov npav rau Hnuv Tim 3 Lub Kaum Ib Hlis Xyoo 2026.

KEV XAIV TSA TSHWJ XEEB

Cov Lus Tseem Ceeb Pom Zoo Siv: Kev Xaiv Tsa Tshwj Xeeb

Npaj cov lus no kom xa tawm ua ntej ntawm cov hnuv kev xaiv tsa tshwj xeeb uas tau teev saud no.

Kev xaiv tsa tshwj xeeb yog siv los xaiv cov neeg los hloov cov chaw hauj lwm uas seem los sis txiav txim txog cov lus nug hauv daim ntawv pov npav; cov no tuaj yeem teem tau rau ntau lub sij hawm sib txawv hauv ib xyoos, thiab tej zaum yuav muaj tib lub sij hawm nrog lwm yam kev xaiv tsa uas twb teem tseg lawm.



COV LUS POM ZOO SIV RAU COV NTAUV XOV XWM LOS SIS HAUV EMAIL

Kab Lus: Cov Ntaub Ntawv Txog Kev Xaiv Tsa Tshwj Xeeb

Nyob zoo [lub npe ntawm tus neeg yuav txais tsab ntawv no],

Thaum peb xav txog kev xaiv tsa, feem ntau peb tsom mus rau cov kev xaiv tsa loj. Tab sis kev xaiv tsa tshwj xeeb kuj tseem ceeb ib yam nkaus—qee zaum tseem muaj feem cuam tshuam ntau dua thiab.

Kev xaiv tsa tshwj xeeb yog siv los xaiv cov neeg los hloov cov chaw hauj lwm uas seem thiab xyuas kom koj lub zej zog tseem muaj tus sawv cev. Cov kev xaiv tsa no txiav txim seb leej twg yuav los txiav txim txog tej yam uas cuam tshuam rau lub neej txhua hnuv, pib ntawm cov kev pab hauv zos mus txog rau cov cai hauv xeev los sis hauv teb chaws.

Vim tias feem ntau muaj tsawg tus neeg tuaj pov npav hauv kev xaiv tsa tshwj xeeb, txhua daim ntawv pov npav thiaj muaj nqis dua. Ib daim ntawv pov npav xwb twb txiav txim tau qhov kawg —uas txhais tau tias koj txoj kev koom tes tseem ceeb heev.

Koj lub suab muaj nqis—tsis yog tsuas yog thaum muaj kev xaiv tsa loj xwb, tab sis txhua zaus uas hu kom cov neeg tuaj pov npav. Yog muaj lus nug, hu rau 877-600-VOTE, xa ntawv hauv xov tooj mus rau 651-217-3862, los sis xa email rau secretary.state@state.mn.us.

Ua tsaug rau koj txoj kev koom tes hauv zej zog thiab kev paub mus pov npav,

[Koj kos npe]



COV LUS POM ZOO SIV HAUV SOCIAL MEDIA

🔊 Kev xaiv tsa tshwj xeeb tab tom yuav los tom ntej no!
Muaj neeg tuaj pov npav tsawg = txhua daim ntawv pov npav muaj nqis ntau dua.

- ✓ Tshawb xyuas seb koj puas tsim nyog mus pov npav
- ✓ Nrhiav seb koj muaj kev xaiv mus pov npav li cas
- ✓ Mus pov koj daim ntawv pov npav

Koj lub suab muaj nqis – siv koj lub suab
Mus rau mnvotes.gov kom paub ntxiv

Xav tias kev xaiv tsa tshwj xeeb tsis tseem ceeb? Xav dua.

🗳️ Ntau zaus, tsuas yog ob peb daim ntawv pov npav xwb twb txiav txim tau qhov kev xaiv tsa lawm.
🗳️ Thaum muaj neeg tuaj pov npav tsawg, txhua daim ntawv pov npav muaj hwj chim ntau dua.

Xyuas cov hnuv, paub koj cov kev xaiv, thiab mus pov npav hauv kev xaiv tsa tshwj xeeb.
Mus rau mnvotes.gov kom paub ntxiv

KEV XAIV TSA LOJ

Cov Lus Tseem Ceeb Pom Zoo Siv: Kev Xaiv Tsa Loj

Npaj xa cov lus no tawm nyob rau **lub as thiv ntawm Hnub Tim 13 Lub Xya Hli, 2026**. Kev Xaiv Tsa Loj yog qhov uas pab txiav txim seb cov neeg sib tw twg yuav muaj npe nyob rau daim ntawv pov npav rau Hnub Kev Xaiv Tsa thaum Hnub Tim 3 Lub Kaum Ib Hlis, 2026.



COV LUS POM ZOO SIV RAU COV NTAWV XOV XWM LOS SIS HAUV EMAIL


Kab Lus: Cov Ntaub Ntawv Qhia Txog Kev Xaiv Tsa Loj


Nyob zoo [lub npe ntawm tus neeg yuav txais tsab ntawv no],


Kev Xaiv Tsa Loj hauv Minnesota yog Hnub Tim 11 Lub Yim Hlis, 2026. Kev Xaiv Tsa Loj no txiav txim seb cov neeg sib tw twg yuav muaj npe nyob rau daim ntawv pov npav rau Hnub Kev Xaiv Tsa thaum Hnub Tim 3 Lub Kaum Ib Hlis, 2026. Koj lub suab muaj nqis nyob rau txhua them ntawm txoj kev xaiv tsa.

Xyuas kom koj paub tseeb tias koj twb tau mus cuv npe thiab tau npaj txhij mus pov npav lawm. Mus rau mnvotes.gov kom xyuas koj qhov txheej txheem ntawm kev cuv npe pov npav los sis mus cuv npe.

Cov Kev Mus Pov Npav:

 Kev Pov Npav Tim Ntsej Tim Muag – Feem ntau cov chaw pov npav qhib thaum 7 moos sawv ntxov txog 8 moos tsaus ntuj rau Hnub Kev Xaiv Tsa.

 Kev Pov Npav Ntxov – Minnesota muaj kev pov npav ntxov. Mus xyuas koj [lub chaw saib xyuas kev xaiv tsa hauv zos](#).

 Kev Pov Npav Absentee – Mus thov daim ntawv pov npav absentee hauv online ntawm mnvotes.gov.

Hu rau 877-600-VOTE, xa ntawv hauv xov tooj mus rau 651-217-3862, los sis xa email rau secretary.state@state.mn.us yog tias muaj lus nug.

Ua ib tug neeg pov npav thiab cia koj lub suab raug hnov.

[Koj kos npe]



COV LUS POM ZOO SIV HAUV SOCIAL MEDIA

🗳️ Hnub Kev Xaiv Tsa Loj hauv Minnesota yog Hnub Tim 11 Lub Yim Hlis, 2026.

Xyuas seb koj puas tau cuv npe thiab mus pov npav ntov los sis mus pov npav rau Hnub Kev Xaiv Tsa. Mus hnub no rau ntawm mnvotes.gov.

Cov kev xaiv tsa loj yog qhov pib ntawm txhua yam.

Kev pov npav hauv kev xaiv tsa loj yog koj txoj hauv kev los pab xaiv seb leej twg yuav mus tom ntej thiab seb cov teeb meem twg yuav tau txais kev saib xyuas.

Npaj teem ib qho sij hawm mus pov npav tam sim no ntawm mnvotes.gov.

PRIMARY ELECTION
AUGUST
11
HERE WE VOTE
MNVOTES.GOV

DID YOU KNOW?
Minnesota does not have party registration. Voters can choose which party ballot to participate in when they vote in a primary election.
HERE WE VOTE
MNVOTES.GOV

PRIMARY ELECTION: EARLY VOTING
June 26 – August 10
VOTE EARLY
You can vote early by ballot or in person at an early voting location.
<https://www.sos.mn.gov/elections-voting/other-ways-to-vote>
HERE WE VOTE
MNVOTES.GOV

PRIMARY ELECTION: EARLY VOTING
June 26 – August 10
BALLOT
You can vote early by absentee ballot
<https://mnvotes.sos.mn.gov/abrequest/index>
HERE WE VOTE
MNVOTES.GOV

HNUB NATIONAL VOTER REGISTRATION DAY



Cov Lus Tseem Ceeb Pom Zoo Siv: Hnub National Voter Registration

Npaj xa cov lus no tawm nyob rau **lub as thiv ntawm Hnub Tim 7 Lub Cuaj Hlis, 2026.**

Hnub National Voter Registration Day yog hnub Tuesday, Hnub Tim 15 Lub Cuaj Hlis, 2026. Siv hnub no los txhawb koj lub zej zog, phooj ywg, neeg nyob ze, thiab cov neeg ua hauj lwm kom mus cuv npe pov npav los sis xyuas thiab kho lawv cov ntaub ntawv cuv npe kom raug ua ntej hnub Kev Xaiv Tsa.



COV LUS POM ZOO SIV RAU COV NTAUV XOV XWM LOS SIS HAUV EMAIL

Kab Lus: Hnub National Voter Registration Day!

Nyob zoo [lub npe ntawm tus neeg yuav txais tsab ntawv no], Hnub Tim 15 Lub Cuaj Hlis yog [Hnub National Voter Registration Day](#). Yog tias koj tseem tsis tau cuv npe, los sis yog koj tau tsiv mus nyob rau lwm qhov chaw los yog tau hloov npe, thov cuv npe tam sim no kom koj npaj txhij mus pov npav rau Hnub Kev Xaiv Tsa thaum Hnub Tim 3 Lub Kaum Ib Hlis. Koj tuaj yeem cuv npe hauv online ntawm mnvotes.gov/register los sis mus cuv npe ntawm koj lub chaw xaiv tsa hauv zos.

Tsis txhob hnov qab tias cov hluas hnub nyoog 16 thiab 17 xyoo tuaj yeem cuv npe ua ntej tau es thaum lawv muaj 18 xyoo ces lawv cia li mus pov npav lawm xwb.

Cia peb pab kom txhua tus neeg nyob hauv Minnesota uas muaj cai pov npav npaj txhij rau Lub Kaum Ib Hli.

Nrhiav txhua yam ntaub ntawv uas koj xav tau ntawm mnvotes.gov. Yog muaj lus nug, hu rau 877-600-VOTE, xa ntawv hauv xov tooj mus rau 651-217-3862, los sis xa email rau secretary.state@state.mn.us.

Ua tsaug rau koj txoj kev koom tes hauv zej zog thiab kev paub mus pov npav.

[Koj kos npe]



COV LUS POM ZOO SIV HAUV SOCIAL MEDIA

🔊 Hnub National Voter Registration Day yog Hnub Tim 15 Lub Cuaj Hlis! Mus cuv npe pov npav los sis hloov kho koj cov ntaub ntawv hnub no ntawm mnvotes.gov/register.

Tau tsiv mus nyob rau lwm qhov chaw? ✔️ Tau hloov npe? ✔️ Nyuam qhuav muaj 18 xyoo? ✔️ Hnub National Voter Registration Day yog lub sij hawm zoo tshaj los mus hloov kho koj cov ntaub ntawv. Cov neeg pov npav hauv Minnesota tuaj yeem cuv npe online los sis rau Hnub Kev Xaiv Tsa – mus pib tau rau ntawm mnvotes.gov.

KEV POV NPAV NTXOV

Cov Lus Tseem Ceeb Pom Zoo Siv: Kev Pov Npav Ntxov

Npaj xa cov lus no tawm nyob rau [lub as thiv ntawm Hnub Tim 18 Lub Cuaj Hlis, 2026](#). Cov neeg nyob hauv Minnesota muaj 45 hnub los mus pov npav ntxov. Kev pov npav ntxov yog kev xa daim ntawv pov npav los sis mus pov npav tim ntsej tim muag uas pib thaum Hnub Tim 18 Lub Cuaj Hlis, 2026.



COV LUS POM ZOO SIV RAU COV NTAUV XOV XWM LOS SIS HAUV EMAIL

Kab Lus: Kev Pov Npav Ntxov Hauv Xyoo 2026

Nyob zoo [lub npe ntawm tus neeg yuav txais tsab ntawv no], Koj tuaj yeem pib mus pov npav ntxov tau rau Hnub Kev Xaiv Tsa uas pib Hnub Tim 18 Lub Cuaj Hlis, 2026. Kev pov npav ntxov, txawm yog xa daim ntawv pov npav los sis mus pov npav tim ntsej tim muag, pab kom koj muaj ntau txoj kev xaiv thiab yooj yim dua rau koj. Koj tuaj yeem npaj ua ntej kom tsis txhob maj thaum txog Hnub Kev Xaiv Tsa.

Yog xav paub ntxiv, mus rau koj [lub chaw xaiv tsa hauv zos](#) los sis mus rau [mnvotes.gov](#) kom paub ntxiv txog cov chaw pov npav ntxov, hnub kawg, thiab txoj kev pov npav uas xa daim ntawv pov npav.

Npaj teem ib qho sij hawm mus pov npav ntxov kom haum rau koj. Mus rau [mnvotes.gov/absentee](#) kom thov daim ntawv pov npav, hu rau 877-600-VOTE, xa ntawv hauv xov tooj mus rau 651-217-3862, los sis xa email rau [secretary.state@state.mn.us](#) kom paub ntxiv.

[Koj kos npe]



COV LUS POM ZOO SIV HAUV SOCIAL MEDIA

🗳️ Kev pov npav ntxov pib Hnub Tim 18 Lub Cuaj Hlis, 2026. Mus rau [mnvotes.gov/absentee](#) kom paub ntxiv txog txoj kev pov npav ntxov. Txoj kev pov npav ntxov pab kom Minnesota tseem yog #1 hauv kev koom tes mus pov npav.

📄 Kev pov npav ntxov hauv Minnesota pab kom nws yooj yim kom koj lub suab raug hnov — raws li koj lub sij hawm. Koj tuaj yeem mus pov npav ntxov los ntawm kev xa daim ntawv pov npav los sis mus pov npav tim ntsej tim muag ua ntej Hnub Kev Xaiv Tsa, uas muab kev ywj pheej thiab yooj yim. Npaj koj txoj kev, xyuas koj qhov kev cuv npe, thiab nrhiav cov chaw pov npav ntxov ntawm [mnvotes.gov](#).

Tsis muaj sij hawm mus pov npav rau Hnub Kev Xaiv Tsa? Minnesota muaj txoj kev mus pov npav ntxov uas ruaj khov thiab yooj yim. Kawm seb yuav thov daim ntawv pov npav li cas, nrhiav cov chaw pov npav ntxov, thiab npaj kom txhij mus pov npav ntawm [mnvotes.gov](#).

NPAJ TEEM IB QHO SIJ HAWM MUS POV NPAV

Cov Lus Tseem Ceeb Pom Zoo Siv: Npaj Teem Ib Qho Sij Hawm Mus Pov Npav

Npaj xa cov lus no tawm nyob rau [lub as thiv ntawm Hnub Tim 5 Lub Kaum Hlis, 2026](#).

Kev tshawb fawb qhia tias thaum tib neeg npaj lawv txoj kev mus pov npav lawm, lawv yuav muaj feem ntau dua mus pov npav tiag. Siv cov lus no los pab qhia rau koj cov phooj ywg kom lawv npaj lawv txoj kev mus pov npav thiab mus koom pov npav.



COV LUS POM ZOO SIV RAU COV NTAWV XOV XWM LOS SIS HAUV EMAIL

Kab Lus: Npaj Teem Ib Qho Sij Hawm Mus Pov Npav

Nyob zoo [lub npe ntawm tus neeg yuav txais tsab ntawv no], Hnub Kev Xaiv Tsa yog hnub Tuesday, Hnub Tim 3 Lub Kaum Ib Hlis, 2026. Yog koj npaj siab yuav mus pov npav tim ntsej tim muag rau hnub ntawd, muaj sau cia rau hauv koj daim calendar tam sim no. Yog koj xav mus pov npav ntxov, koj tuaj yeem xaiv ib hnub ntawm Hnub Tim 18 Lub Cuaj Hlis txog Hnub Tim 2 Lub Kaum Ib Hlis los mus pov npav, txawm yog yuav xa daim ntawv pov npav los sis mus pov npav tim ntsej tim muag.

Nrhiav koj lub chaw pov npav, xyuas koj qhov kev cuv npe, thiab saib koj daim ntawv pov npav ntawm mnvotes.gov. Kev npaj ua ntej pab kom koj muaj feem ntau dua mus pov npav tiag. Peb [Phau Cuab Yeej Pab Npaj Kev Mus Pov Npav](#) tuaj yeem yuav pab tau koj thiab!

Cov Kev Mus Pov Npav:

- 🗳️ Kev Pov Npav Tim Ntsej Tim Muag – [Feem ntau cov chaw pov npav](#) qhib thaum 7 moos sawv ntxov txog 8 moos tsaus ntuj rau Hnub Kev Xaiv Tsa
- 🗳️ Kev Pov Npav Ntxov – Minnesota muaj kev pov npav ntxov. Mus xyuas koj [lub chaw xaiv tsa hauv zos](#).
- ✉️ Kev Pov Npav Absentee – Mus thov daim ntawv pov npav hauv online ntawm mnvotes.gov.

Hu rau Election Hotline yog tias muaj lus nug: hu rau 877-600-VOTE, los sis xa ntawv hauv xov tooj rau 651-217-3862. Koj kuj xa email tau rau ntawm secretary.state@state.mn.us.

[Koj kos npe]



COV LUS POM ZOO SIV HAUV SOCIAL MEDIA

🗳️ Npaj ua ib qho kev mus pov npav rau Minnesota Hnub Kev Xaiv Tsa thaum Hnub Tim 3 Lub Kaum Ib Hlis, 2026. Mus hnub no rau ntawm mnvotes.gov. Mus pov koj daim ntawv pov npav thiab pab kom Minnesota tseem yog #1 hauv kev koom tes mus pov npav.

Kev mus pov npav yuav yooj yim dua thaum koj npaj ua ntej. Hauv Minnesota, nws txhais tias koj paub

☑️ thaum twg koj yuav mus pov npav

🗳️ yuav mus rau qhov twg thiaj li yuav mus pov npav tau

✉️ seb koj yuav pov npav ntsov los sis yuav xa daim ntawv pov npav.

Siv ob nas this los npaj koj txoj kev mus pov npav ntawm mnvotes.gov, koj tus kheej nyob rau yav pem suab yuav ua koj tsaug.

✔️ Ib txoj kev npaj pab kom koj mus pov npav tiag. Cov neeg pov npav hauv Minnesota tuaj yeem xaiv pov npav rau Hnub Kev Xaiv Tsa, kev pov npav ntsov, los sis xa daim ntawv pov npav—yam twg uas yuav haum rau koj tshaj plaws! Npaj koj txoj kev pov npav hnub no. Mus rau mnvotes.gov kom paub ntiv thiab pab kom Minnesota tseem yog #1 hauv kev koom tes mus pov npav!

HERE WE VOTE
VOTER'S BILL OF RIGHTS

Minnesota Voters have the right to:

- TAKE TIME OFF WORK TO VOTE
- VOTE IF IN LINE BY 8 PM
- REGISTER ON ELECTION DAY
- ASK FOR HELP
- A NEW BALLOT IF A MISTAKE WAS MADE BEFORE A BALLOT WAS CAST
- BRING CHILDREN TO THE POLLS
- BRING A SAMPLE BALLOT

And more...

MNVOTES.GOV

GET THE ANSWERS!
MNVOTES.GOV

WHERE DO I VOTE?

YOU CAN VOTE BY MAIL
EARLY IN-PERSON
OR IN-PERSON ON ELECTION DAY

BALLOT
VOTE EARLY
VOTE ON NOV. 3

GET INFORMED! VIEW WHAT'S ON YOUR BALLOT.
Your sample ballot shows a list of the candidates and ballot questions you'll be voting on.
Remember, you can print a copy of your sample ballot and bring it with you to the polling place when you vote!
Visit [MNVOTES.GOV/MYBALLOT](https://mnvotes.gov/myballot) for more information.

SAMPLE BALLOT
Minnesota General Election Ballot

DON'T FORGET!

- ▶ You can register online
- ▶ You can register by paper
- ▶ Or you can register on Election Day!

To learn more, visit: [MNVOTES.GOV/REGISTER](https://mnvotes.gov/register)

Voting questions?

CALL or TEXT our call center staff for answers!

New TEXT messaging service!
651-217-3862

1-877-600-VOTE

HNUB KEV XAIV TSA

Cov Lus Tseem Ceeb Pom Zoo Siv: Hnub Kev Xaiv Tsa

Npaj xa cov lus no tawm rau **Hnub Tim 3 Lub Kaum Ib Hlis, 2026.**

Hnub Kev Xaiv Tsa yog hnub Tuesday, Hnub Tim 3 Lub Kaum Ib Hlis, 2026. Hnub no yog lub sij hawm kawg rau cov neeg pov npav los koom tes hauv Kev Xaiv Tsa Nruab Nrab Xyoo (Midterm Election). Pab xyuas kom txhua daim ntawv pov npav raug pov los ntawm kev xa cov lus no tawm.



COV LUS POM ZOO SIV RAU COV NTAUV XOV XWM LOS SIS HAUV EMAIL

Kab Lus: Hnub Kev Xaiv Tsa yog Hnub Tim 3 Lub Kaum Ib Hlis, 2026


Hnub no yog Hnub Kev Xaiv Tsa thiab koj daim ntawv pov npav muaj nuj nqis heev. Cov kev xaiv tsa hauv zos, hauv xeev, thiab hauv teb chaws pab txiav txim txog peb cov zej zog, chaw ua hauj lwm, thiab lub neej txhua hnub, thiab kev koom tes yog ib qho tseem ceeb tshaj plaws uas pab kom koj lub suab raug hnov.

Cov chaw pov npav qhib thaum 7 moos sawv ntov txog 8 moos tsaus ntuj, yog li tseem muaj sij hawm mus pov npav yog tias koj tseem tsis tau mus pov. Nco ntsoov tias koj tseem mus pov npav tau yog tias koj twb nyob ua kab tos ua ntej 8 moos tsaus ntuj lawm!

Koj tuaj yeem nrhiav tau koj qhov chaw mus pov npav thiab tau txais ntaub ntawv txog kev pov npav ntawm mnvotes.gov. Koj kuj hu tau rau 877-600-VOTE, xa ntawv hauv xov tooj mus rau 651-217-3862, los sis xa email rau secretary.state@state.mn.us kom tau kev pab.

Ua tsaug rau koj txoj kev koom tes hauv peb txoj kev ywj pheej thiab pab txhawb peb lub zej zog kom muaj zog.

[Koj kos npe]





COV LUS POM ZOO SIV HAUV SOCIAL MEDIA

🗳️ Hnub no yog Hnub Kev Xaiv Tsa! Cov chaw pov npav qhib txog 8 moos tsaus ntuj. Mus pov npav tam sim no thiab cia koj lub suab raug hnov. Mus rau mnvotes.gov kom paub ntxiv. Pab kom Minnesota tseem yog #1 hauv kev koom tes mus pov npav thiab mus pov npav hnub no!

🗳️ Hnub no yog Hnub Kev Xaiv Tsa! Cov chaw pov npav qhib thaum 7 moos sawv ntxov txog 8 moos tsaus ntuj. Yog koj twb nyob ua kab tos mus pov npav ua ntej 8 moos tsaus ntuj lawm, koj tseem pov npav tau. Nrhiav koj qhov chaw pov npav thiab saib koj daim ntawv pov npav ntawm mnvotes.gov. Cia koj lub suab raug hnov.

Hnub no yog Hnub Kev Xaiv Tsa, Minnesota! Txawm koj tau mus pov npav ua ntej yuav mus ua hauj lwm, tom qab tau noj hmo tag, los sis thaum twg lawm—hnub no yog koj lub sij hawm los koom tes hauv peb txoj kev ywj pheej. Xyuas seb koj qhov chaw pov npav nyob rau qhov twg, seb puas tau cuv npev, thiab cov ntaub ntawv pov npav ntawm mnvotes.gov – es mus pov npav.

HERE WE VOTE
MNVOTES.GOV

VOTER'S BILL OF RIGHTS

Minnesota Voters have the right to:

- TAKE TIME OFF WORK TO VOTE
- VOTE IF IN LINE BY 8 PM
- REGISTER ON ELECTION DAY
- ASK FOR HELP
- A NEW BALLOT IF A MISTAKE WAS MADE BEFORE A BALLOT WAS CAST
- BRING CHILDREN TO THE POLLS
- BRING A SAMPLE BALLOT

And more...

MNVOTES.GOV

VOTE ON NOV. 3

HERE WE VOTE
MNVOTES.GOV

WHERE DO I VOTE?

HERE WE VOTE
MNVOTES.GOV

DON'T FORGET!
You have the right to vote if you are in line to vote before 8 p.m.

HERE WE VOTE
MNVOTES.GOV

GET INFORMED! VIEW WHAT'S ON YOUR BALLOT.
Your sample ballot shows a list of the candidates and ballot questions you'll be voting on.
Remember, you can print a copy of your sample ballot and bring it with you to the polling place when you vote!
Visit MNVOTES.GOV/MYBALLOT for more information.

SAMPLE BALLOT
Minnesota General Election Ballot

City Offices	School Board	Question 1

HERE WE VOTE
MNVOTES.GOV

Get your election questions answered.
CALL or TEXT our call center for answers!

TEXT SERVICE
651-217-3862

CALL THE ELECTIONS LINE
1-877-600-VOTE

HERE WE VOTE
MNVOTES.GOV

HAPPY ELECTION DAY!

For information on Election Day voting, visit:
MNVOTES.GOV/ELECTIONDAY

HERE WE VOTE
MNVOTES.GOV

LWM YAM CUAB YEEJ THIAB TSWV YIM RAU KEV TSHAJ TAWM



COV NTAUV QHIA TSEEB

Muaj [cov ntauv qhia tseeb](#) txog 18 yam ncauj lus uas siv tau rau hauv website, social media, email, thiab luam tawm tau. Koj tuaj yeem rub thiab luam tau los siv. Qee cov ntaub ntauv no twb raug txhais ua ntau hom lus uas muaj mus txog 12 hom lus.

Cov ncauj lus muaj xws li:

- Yuav Pov Npav Li Cas
- Cov Neeg Pov Npav Tshiab
- Kev Cuv Npe Rau Hnub Kev Xaiv Tsa
- Pov Npav Ntxov Los Ntawm Kev Xa Daim Ntawv Pov Npav Absentee
- Paub Koj Cov Cai
- Siv Sij Hawm Tawm Hauj Lwm Mus Pov Npav
- Kev Pab Rau Cov Neeg Pov Npav
- Cov Tub Rog thiab Cov Neeg Nyob Rau Lwm Lub Teb Chaws
- Cov Tub Ntxhais Kawm Ntawv Qib Siab
- Cov Tub Ntxhais Kawm Ntawv High School
- Kev Pov Npav Rau Cov Neeg Uas Muaj Keeb Kwm Txhaum Cai
- Kev Xaiv Tsa Loj
- Kev Sib Ntsib Ntawm Cov Neeg Pov Npav Hauv Ib Cheeb Tsam (Precinct Caucus)
- Cov Tub Ntxhais Kawm Ntawv Nyob Rau Lwm Lub Teb Chaws
- Yam Tshiab Nyob Xyoo 2026

Thiab ntau yam ntxiv! Yog xav xaj cov ntauv qhia no dawb, mus saib peb phau [catalogue](#).



CAW TUS SECRETARY OF STATE LOS KOOM NEJ HAUV ZEJ ZOG THIAB HAUV CHAW UA HAUJ LWM

Thov ntxiv lub ncauj lus hais txog kev koom tes mus pov npav los ua ib qho kev sib tham rau nej cov kev sib sau hauv zej zog, kev sib ntsib, los sis hauv chaw ua hauj lwm rau lub caij nplooj zeeg no. Cov neeg ua hauj lwm ntawm OSS tuaj yeem pab npaj thiab txhawb cov ntsiab lus, thiab Secretary Simon tej zaum yuav muaj sij hawm los koom nej cov kev sib sau uas nyob thoob plaws hauv Minnesota.

Tiv tauj Melanie Hazelip: melanie.hazelip@state.mn.us, 612-327-1621 kom teem sij hawm tau nrog Secretary Simon, los sis [sau daim ntauv no](#).

TUAV IB LUB ROOJ SIB THAM TXOG KEV POV NPAV 101 (VOTER 101) NROG OSS

Kev Pov Npav 101 yog ib txoj hauv kev zoo los muab cov ntaub ntawv tseem ceeb txog kev xaiv tsa rau koj lub zej zog. Feem ntau yuav ntev li ib xoj moos thiab yuav muaj sij hawm rau tej lus nug thiab lus teb, thiab koj tuaj yeem xaiv cov ncauj lus uas haum rau cov neeg uas yuav tuaj koom. Kev Pov Npav 101 yog qhia los ntawm Melanie Hazelip los sis lwm tus neeg ua hauj lwm ntawm OSS, thiab tuaj yeem ua tau hauv online los sis tuaj koom tim ntsej tim muag.

Yog xav teem sij hawm rau Kev Pov Npav 101 tiv tauj melanie.hazelip@state.mn.us, 612-327-1621.



COV YEEB YAJ KIAB

Faib cov yeeb yaj kiab no rau hauv website, social media, email, lwm yam kev sib txuas lus online, hauv cov TV ntawm chaw ua hauj lwm, thiab hauv cov koob tsheej sib sau ua ke.

- “[It’s Election Year, Minnesota!](#)” (2 nas this) — Ib daim yeeb yaj kiab animation uas piav qhia dav txog txoj kev mus pov npav. Kuj tau muaj txhais ua lus [Hmoob](#), [Somali](#) thiab [Mev](#).
- “[Vote Early, Vote Absentee!](#)” (1 nas this 30 vib nas this) — Ib daim yeeb yaj kiab animation piav qhia txog cov kauj ruam rau kev pov npav absentee.
- “[Get Ready to Vote!](#)” (30 vib nas this) — Ib daim yeeb yaj kiab animation qhia dav txog cov cuab yeej pab cov neeg pov npav. Kuj tau muaj txhais ua lus [Hmoob](#), [Somali](#) thiab [Mev](#).
- “[Ojibwe Tribal Voting](#)” (4 nas this) – Ib daim yeeb yaj kiab uas muaj tus hais hom lus Ojibwe uas piav qhia txog kev pov npav thiab cov ntsiab lus tshwj xeeb rau cov neeg nyob hauv [zej zog](#) uas yog neeg Khabe. Kuj muaj txhais ua lus [Askiv](#) thiab.
- Nrhiav ntxiv tau rau [ntawm www.youtube.com/@mnsecstate](http://www.youtube.com/@mnsecstate)



LWM YAM TSWV YIM RAU KEV TSHAJ TAWM

Sib qhia tswv yim; Xav txog lwm txoj kev los txhawb txoj kev koom tes ntawm pej xeeb thiab kev koom rau kev pov npav.

- Muab [cov hnuv xaiv tsa tso](#) rau hauv computer thaum lwm tus yuav nkag los siv
- Muab [cov ntawv qhia tseeb](#) rau hauv cov ntawv tshaj tawm
- Muab [cov ntawv qhia tseeb](#) tso rau hauv cov chav so
- Tso koj cov duab uas tau mus pov npav
- Caw koj lub zej zog los qhia txog thaum lawv mus pov npav thawj zaug
- Tsim ib lub website me me hais txog kev pov npav

Yog xav xaj cov ntawv qhia no dawb, mus saib peb phau [catalogue](#).

LWM COV LUS POM ZOO SIV HAUV EMAIL, SOCIAL MEDIA, THIAB NTAWV XOV XWM ONLINE

Tej zaum nej lub zej zog los sis chaw ua hauj lwm yuav xav tshaj tawm txog ib co ncauj lus tshwj xeeb hais txog kev pov npav. Ntawm no yog qee cov ncauj lus ntiv uas nej yuav siv tau. Nrhiav tau cov duab loj uas npaj siv tau rau social media los sis email ntawm [no](#).

Cov ntaub ntawv qhia ntiv txog cov ncauj lus no thiab lwm yam muaj nyob rau [mnvotes.gov](#). Yog nej xav tau kev pab los sis xav kom piav qhia ntiv txog kev pov npav, thov tiv tauj Melanie Hazelip ntawm:

melanie.hazelip@state.mn.us | 612-327-1621



LWM YAM NCAUJ LUS HAIS TXOG KEV POV NPAV

Kev Cuv Npe Pov Npav: Yog tias koj nyuam qhuav tuaj nyob hauv Minnesota, nyuam qhuav tsiv chaw nyob, tsis tau pov npav ntev dua 4 xyoos, los sis yuav mus pov npav thawj zaug, koj yuav tsum mus cuv npe ua ntej yuav pov npav tau. Koj tuaj yeem cuv npe tau rau Hnub Kev Xaiv Tsa, tab sis yuav pab kom koj txuag tau sij hawm yog tias koj tau mus cuv npe ua ntej Hnub Tim 13 Lub Kaum Hlis, 2026.

- [Cuv npe hauv online](#)
- [Luam tawm daim ntawv cuv npe](#) thiab muab xa (mail) rov qab
- Yog koj npaj yuav [cuv npe rau Hnub Kev Xaiv Tsa](#), npaj kom txhij!
- Cov hluas hnub nyoog 16 thiab 17 xyoo tuaj yeem [cuv npe ua ntej tau](#)
- Koj tuaj yeem mus [pov npav tau txawm tias koj muaj keeb kwm ua txhaum cai](#), tsuav yog koj tsis raug kaw nyob hauv tsev loj kuj tam sim no xwb

Cov Tub Rog thiab Lawv Tsev Neeg uas Raug Tso Nyob Deb Ntawm Tsev:

- Mus [thov koj daim ntawv pov npav absentee](#) tam sim no
- Xa koj daim ntawv pov npav rov qab [raws li cov hnub pom zoo](#)

Xav Pov Npav Absentee? [Nov yog txoj kev tias yuav ua li cas.](#)

- Ua hauj lwm nyob rau lwm lub xeev los sis tsis nyob tsev:
 - Mus [pov npav tim ntsej tim muag](#) ua ntej koj yuav mus
 - [Xa \(mail\) daim ntawv pov npav absentee](#)
- Tab tom ua hauj lwm los sis mus ncig txawv teb chaws:
 - Mus [pov npav tim ntsej tim muag](#) ua ntej koj yuav mus
 - Mus [thov daim ntawv pov npav absentee rau cov nyob lwm lub teb chaws](#)

Tsis Tas Yuav Muaj Laj Thawj Los Xa (Mail) Daim Ntawv Pov Npav Absentee

- Koj tsis tas yuav muaj laj thawj lawm los pov npav absentee. Txhua tus neeg muaj cai pov npav tuaj yeem [thov kom xa daim ntawv pov npav absentee](#) thiab pov npav hauv tsev.

Kev Pov Npav Ntxov

- Cov neeg muaj cai pov npav tuaj yeem pib pov npav tau 46 hnuv ua ntej Hnuv Kev Xaiv Tsa ntawm [cov chaw pov npav ntxov](#) uas tau teem tseg
- Koj muaj cai thov sij hawm tawm hauj lwm mus pov npav thaum lub sij hawm ntawm 46 hnuv ntawd.

Kev Cuv Npe Ntawm Chaw Pov Npav Rau Hnuv Kev Xaiv Tsa

- Yog koj yuav npaj cuv npe ntawm qhov chaw pov npav rau Hnuv Kev Xaiv Tsa, koj yuav tsum muaj [cov ntawv txheej xyuas koj tus kheej kom raug](#). Muaj ntau txoj kev xaiv

Nrhiav Koj Qhov Chaw Mus Pov Npav

- Tsis paub meej tias yuav mus pov npav qhov twg? [Nrhiav koj qhov chaw mus pov npav](#) tam sim no!

GOTV

- Kev pov npav yog ib qho tseem ceeb! Nws yog lub hauv paus ntawm peb txoj kev ywj pheej. Nws yog ib txoj hauv kev tseem ceeb uas pab koj koom tes thiab cia koj lub suab raug hnov. Qee zaum, koj daim ntawv pov npav yeej txiav txim tau qhov kawg—tej zaum xyoo no yuav yog li ntawd. [Xyuas koj qhov kev cuv npe](#), [nrhiav koj qhov chaw pov npav](#), thiab [saib koj daim ntawv pov npav](#). Ua ib tug neeg mus pov npav!

Kev Ruaj Ntseg thiab Kev Ncaj Ncees Hauv Kev Xaiv Tsa

- Minnesota txoj kev xaiv tsa yog qhib rau sawv daws, ruaj khov, thiab nyab xeeb.
 - Mus saib [peb lub website tshiab](#) kom kawm paub ntxiv txog kev xaiv tsa thiab vim li cas peb thiaj paub tias Minnesota kev xaiv tsa yeej ncaj ncees thiab raug.
 - Nyob rau xyoo 2016, thaum muaj kev sim nkag los cuam tshuam peb txoj kev xaiv tsa, peb tau nrhiav pom sai thiab tau los cuam tshuam kom tiv thaiv tau.
 - Cov thawj coj hauv tsoom fwm thiab tub ceev xwm tau sim xyuas kev ruaj ntseg ntawm Minnesota txoj kev xaiv tsa, thiab peb tau xeem dhau qhov kev sim ntawd.
 - Minnesota siv daim ntawv pov npav uas yog ntawv (paper ballots), kom koj paub tseeb tias koj daim ntawv pov npav raug suav kom raug thiab khaws cia zoo yog tias muaj kev siv rau yav pem suab.



COV LUS POM ZOO SIV HAUV SOCIAL MEDIA

Hnuv Tim 18 Lub Cuaj Hlis – Siv Tau Daim Ntawv Pov Npav Absentee

Txuag sij hawm rau Hnuv Kev Xaiv Tsa uas yog los pov npav hauv tsev—[pov npav ntxov uas xa \(mail\) daim ntawv pov npav los sis mus pov npav tim ntsej tim muag](#). #mnnvotes

Hnub Tim 15 Lub Cuaj Hlis – Hnub National Voter Registration Day

Txhua qhov kev cuv npe yog ib kauj ruam rau txoj kev ywj pheej uas muaj zog dua. [Cuv npe hnub no.](#) #mnvotes

Hnub Tim 6 Lub Kaum Hlis, Ib Lub As Thiv Ua Ntej Yuav Kaw Kev Cuv Npe Ua Ntej


Koj tuaj yeem [cuv npe online](#) txog Hnub Tim 13 Lub Kaum Hlis. #mnvotes

Hnub Tim 27 Lub Kaum Hlis – Ib Lub As Thiv Ua Ntej Hnub Kev Xaiv Tsa

Npaj kom txhij mus pov npav thiab koom tes tsim peb lub neej rau yav tom ntej. Mus [rau ntawm no](#) kom nrhiav tau koj lub chaw pov npav, sij hawm, thiab yam yuav tsum muaj rau kev cuv npe rau Hnub Kev Xaiv Tsa. #mnvotes

Cov Duab uas Siv Tau Hauv Social Media

[Ntawm no](#) koj yuav nrhiav tau cov duab loj uas yuav npaj siv tau rau hauv social media los sis hauv email. Koj tuaj yeem siv cov duab no hauv koj cov kev sib txuas lus thiab.



Yog muaj lus nug, thov tiv tauj rau [Melanie Hazelip](#):
612-327-1621, melanie.hazelip@state.mn.us